

A Monsieur
Monsieur le Prince
d'Orange.

N. 238.

Monsieur je suis contraint tous les jours de vous
ennuyer de mes lettres a raison de beaucoup de mes
Gentilhommes qui sont a Avers detenus prisonniers
mesme ment le Sieur de Maneville, qui est en
la rue du Camestrade a Pesen rouges entre les mains

Des Capitaine du quartier, et recost a ce qu'il me
mande beaucoup de mauvais traitemens. Je serois
infiniment aise s'il peut estre en vostre protection
Je vous supplie Monsieur le vouloir secourir de
vostre faveur, et tous les miens, qui sont en
la ditte Ville, car sans vostre secours, je prevois une
grand lenteur, et que mon train ny gentilhomme
ne pourroit partir si tost comme je le desire.
J'en ay dejà escrit a Mess^{rs} des Estats, je ne scis
s'ils voudront faire quelque chose pour moi. J'ay
encore a vous supplier Monsieur de vouloir
estre aydant de faire avoir uny Passeport
de mesditz Sieurs des Estatz pour le Sieur de
Mures, ^{sa femme} ~~lequel~~ qui est malade desire de s'en
retourner en France, pour lui et ses Gentilhomme
et qu'il peut r'avoir son equipage et hardes, qui
sont en son logis. Je desirerois qu'il pust estre gra-
tifié par vostre moyen en ce qu'il est fort de
mes amys, en recompence de tout de peine
que je vous donne, Je ne vous feray davantage
d'assurance de mon amitie, mais je vous
supplie de croire que n'aurai jamais Faure qui
desire vous faire plus de services que moy, et de
telle affection que je prieray Dieu

Monsieur vous donne tresheureuse longue
vie. De Termond le XII Fevrier

Vostre tres humble Frere a vous
obeis et servit
François de Bourbon

+